

Preduzeće "Park" gotovo je u potpunosti završilo projekat "Hortikulturnog unapređenja zelenih površina u Kantonu Sarajevo", iako je on započet prije manje od dvadeset dana. Na zelenim površinama u Starom Gradu, Centru, Novom Sarajevu, Novom Gradu, Ilidži, Hadžićima, Vogošći i Ilijašu, zasađena su 533, od ukupno 547 obezbijedenih stabala i gotovo 6.000 sadnica ukrasnog grmlja, a narednih dana bit će zasađen i preostali dio, odnosno još 14 stabala.

Projekt koji se realizira zahvaljujući finansijskom učešću Fonda za zaštitu okoliša FBiH i preduzeća "Park" podrazumijevao je sadnju ukupno 547 novih stabala i 5.906 sadnica ukrasnog grmlja na zelene površine, blokovsko zelenilo, u postojeće ili novoformirane drvorede u osam općina u Kantonu Sarajevo.

Za projekat "Hortikulturnog unapređenja zelenih površina u KS "Fonda za zaštitu okoliša FBiH izdvojio je 120.000 KM i preduzeća "Park" 79.989 KM, a podršku je pružilo i svih osam općina time što su za sadnju i odabir lokacija dale potrebne saglasnosti, saopćeno je iz KJKP "Park".

Izvor: energetika.ba